



ԱՅԼ



ԿԵՐՊԻԿ



Խաղում ենք հայերեն

ԻՆՉ Է «ԱՅԼԿԵՐՊԻԿ»-Ը

Թիմային ինտելեկտուալ խաղ՝ նախատեսված տարբեր տարիքային խմբերի համար: Տուփում առկա քարտերը երկկողմանի են՝ նկարներով և բառերով:



ՏՈՒՓԻ ՊԱՐՈՒՆԱԿՈՒԹՅՈՒՆԸ.

- **200** երկկողմանի քարտ,
- **1** ավագի ժամացույց (մեկ թուպե),
- խաղի կանոնները մեկնաբանող թերթիկ,
- **1** նոթատետր (հաշիվը գրանցելու համար):



Նկարներով քարտեր՝ **4**-ից **8** տարեկան երեխաների համար, որոնցից յուրաքանչյուրի վրա **2** նկար է:



Բառերով քարտեր՝ **8**-ից **14** տարեկան երեխաների համար, որոնցից յուրաքանչյուրի վրա **4** բառ է:

Մասնակիցների նվագագույն թիվը՝ **4**, (երկու թիմ՝ երկուական մասնակցով), առավելագույնը՝ որքան ցանկանում եք ☺:

ԻՆՉՊԵՆ ԽԱՂԱՆ

Խաղը սկսելու իրավունքը որոշվում է «Այլ կերպ»-ի ավանդական եղանակով՝ «չինգաչունգ անելով» կամ «ուղք գցելով»:

Թիմի անդամներից մեկը քաշում է քարտը, ժամացույցը պատվում է, և թիմակիցներին բացատրում է քարտի վրա պատկերված նկարները կամ գրված բառերը:

Առաջադրանքը կատարելու համար տրվում է **մեկ րոպե**, որը հաշվվում է ավագի ժամացույցի միջոցով:

Յուրաքանչյուր գուշակած նկարը կամ բառը մեկ միավոր է:

Եթե հաջողվում է բացատրել քարտի բոլոր նկարները կամ բառերը, իսկ ժամացույցի ավագը դեռ չի սպառվել, մասնակիցն իրավունք ունի հաջորդ քարտը վերցնել:

- ✓ Կարելի է բացատրել հոմանիշներով կամ հակահիշներով. օրինակ՝ «ԸՆԿՈՒՅՉ» բառը բացատրելիս կարելի է ասել՝ «պոպոքը այլ կերպ իՆչ ենք ասում», «ԲԱՐՁՐ» բառը բացատրելիս կարելի է ասել՝ «ցածրի հակահիշը»:
- ✓ Կարելի է բացատրել զգացողությունների միջոցով, նկարագրել իրավիճակ և այլն.
- ✓ Թույլատրվում է բացատրելիս կիրառել ժեստեր, դիմախաղ և ձայներ*:
- ✓ Չի թույլատրվում օգտագործել Լույնարմատ բառեր, թարգմանություններ կամ մատնացույց անել տվյալ իրը:

- ✓ Չի թույլատրվում բացատրել բառերը տառ առ տառ կամ Նշել տառերի քանակը բառում:
- ✓ Բացատրելիս կարելի է խոսել որքան ցանկանում եք, քանի դեռ թիմակիցները փորձում են գուշակել, բացատրողն ընթացքում Նորանոր հուշումներ է տալիս:
- ✓ Բացատրելիս քարտի վրա գրված բառերի հերթականությունը պահպանելը պարտադիր չէ:



Հակամակրող թիմը ուշի-ուշով պետք է հետևի ավագի ժամացույցին, իսկ որևէ մեկը կարող է հետևել բացատրող մասնակցին, որպեսզի Նա չխախտի խաղի կանոնները:

Ժամանակը սպառվելուց հետո, գրանցվում են միավորները, և հերթը անցնում է մյուս թիմին: Բացատրված քարտերը մի կողմ են դրվում, որպեսզի միևնույն խաղի ընթացքում չկրկնվեն: Թիմերը խաղում են հերթով, թիմի անդամները ևս բացատրում են հերթականությամբ: Խաղի տևողությունը որոշում են մասնակիցները. օրինակ՝ կարող են պայմանավորվել, որ խաղում են այնքան, մինչև թիմերի բոլոր անդամները 4 անգամ բացատրելու հերթ ստանան:

* Եթե երեխաները դժվարանում են, խաղը կազմակերպողները կարող են Նախապես որոշել, որ կարելի է բացատրել Նաև ժեստերի, դիմախաղի կամ ձայների միջոցով (օրինակ, եթե պատկերված է շուն, կարելի է «հաֆ-հաֆ» անել, եթե պատկերված է բաժակ, կարելի է ձեռքերով երևակայական բաժակ ցույց տալ): Փոքրիկներին ոգևորելու համար կարելի է կազմակերպել խաղը ծնողների (ավագ սերնդի ներկայացուցիչների) հետ համատեղ:

